



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2018. GODINU I POSTIZBORNOG FINANSIJSKOG IZVJEŠTAJA - OPŠTI IZBORI 2018. GODINE **SOCIJAL DEMOKRATSKOG FRONTA BIH**

S A D R Ź A J

| | |
|--|---|
| MIŠLJENJE REVIZORA..... | 3 |
| 1. UVOD..... | 4 |
| 2. PREDSTAVLJANJE POLITIČKE STRANKE..... | 4 |
| 3. OPIS REVIZIJE..... | 4 |
| Predmet revizije | 4 |
| Cilj revizije | 5 |
| Obim revizije | 5 |
| 4. PRETHODNE KONTROLE I REVIZIJE..... | 5 |
| 5. NALAZI I PREPORUKE REVIZIJE..... | 5 |
| 5.1 NALAZI..... | 5 |
| 5.2. PREPORUKE..... | 6 |

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) izvršila je reviziju finansijskog izvještaja Socijal demokratskog fronta BiH za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom godišnjeg finansijskog izvještaja za 2018. godinu, utvrđeno je da je Socijal demokratski front BiH prekršio odredbe člana 5. stav (4), člana 12. stav (3) i stav (4) Zakona o finansiranju političkih stranaka i odredbe člana 15. 1 stav (1) Izbornog zakona Bosne i Hercegovine.

Prema našem mišljenju, osim navedenog, revidirani finansijski izvještaj ukazuje da je Socijal demokratski front BiH u 2018. godini postupao u skladu sa odredbama Zakona o finansiranju političkih stranaka i člana 15.10 Izbornog zakona BiH.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju finansijskog izvještaja Socijal demokratskog fronta BiH za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2018. godine.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Socijal demokratski front BiH se finansirao iz sljedećih izvora:

| R/B | Izvori finansiranja | Iznos (KM) | Struktura (%) |
|-----------|--|------------------|---------------|
| 1. | Članarina | 0,00 | 0,00 |
| 2. | Prilozi fizičkih lica (3-a) | 10.020,00 | 100 |
| 3. | Prilozi pravnih lica (3-b) | 0,00 | 0,00 |
| 4. | Prihodi od imovine (3-c) | 0,00 | 0,00 |
| 5. | Prihodi od dobiti preduzeća u vlasništvu političke stranke (3-d) | 0,00 | 0,00 |
| 6. | Prihodi od poklona (3-e) | 0,00 | 0,00 |
| 7. | Prihodi iz budžeta (3-f) | 0,00 | 0,00 |
| 8. | Prihodi od propagande (3-g) | 0,00 | 0,00 |
| I | Ukupni prihodi (1-8) | 10.020,00 | 100,00 |
| II | Ostali prihodi i drugo | 0,00 | 0,00 |
| | Izvori finansiranja (I+II) | 10.020,00 | 100,00 |

U godišnjem finansijskom izvještaju stranka nije iskazala rashode.

2. PREDSTAVLJANJE POLITIČKE STRANKE

Naziv političke stranke je Socijal demokratski front BiH. Skraćeni naziv je SDF BiH.

Socijal demokratski front BiH upisan je u registar kod Općinskog suda u Mostaru, rješenjem broj: R/2-14 od 24.04.2014. godine. Rješenjem Općinskog suda u Mostaru broj: R/2-17 od 29.05.2017. godine upisana je promjena predsjednika stranke.

Sjedište stranke je u Mostaru, Gaše Ilića br. 13.

Ovlašteno lice za zastupanje stranke je Nihad Cokoja, predsjednik.

Ovlašteno lice za finansijske izvještaje za 2018. godinu je Hatidža Gagula.

Prema podacima iz godišnjeg finansijskog izvještaja za 2018. godinu, Socijal demokratski front BiH ima sljedeću organizacionu strukturu:

- Centrala stranke.

3. OPIS REVIZIJE

Predmet revizije je godišnji finansijski izvještaj Socijal demokratskog fronta BiH za 2018. godinu i finansijski izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2018. godine.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Socijal demokratski front BiH u izvještajnom periodu postupao u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH.

Obim revizije finansijskog izvještaja Socijal demokratskog fronta BiH, koji obuhvata kontrolu finansijske dokumentacije i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju izvršila je pregled i reviziju godišnjih finansijskih izvještaja Socijal demokratskog fronta BiH u periodu od 2014. do 2017. godine, nakon čega su izdati izvještaji o pregledu i reviziji sa mišljenjem revizora, nalazima i preporukama. Nakon izvršenog pregleda godišnjeg finansijskog izvještaja za 2017. godinu, izdat je izvještaj o pregledu sa mišljenjem revizora, nalazima i preporukama stranci da vodi evidencije o primljenim priložima, da vodi pravilne evidencije o prihodima i rashodima, odnosno vodi poslovne knjige u skladu sa računovodstvenim propisima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2018. godinu, utvrđeno je da Socijal demokratski front BiH nije ispoštovao date preporuke.

5. NALAZI I PREPORUKE REVIZIJE

5.1 NALAZI

a) Socijal demokratski front BiH prekršio je odredbe člana 5. stav (4) i člana 12. stav (4) Zakona o finansiranju političkih stranaka.

Na osnovu obavljene revizije godišnjeg finansijskog izvještaja za 2018. godinu, utvrđeno je da Socijal demokratski front BiH nije popunio godišnji finansijski izvještaj u skladu sa odredbama Pravilnika o godišnjim finansijskim izvještajima političkih stranaka-u daljnjem tekstu: Pravilnik, čime su preksene odredbe člana 12. stav (4) Zakona o finansiranju političkih stranaka.

- Socijal demokratski front BiH nije u obrascu 3-a (donacije fizičkih lica) godišnjeg finansijskog izvještaja, unio podatke o datumu prijema priloga i nije dostavio obrazac 3-a koji sadrži podatke o priložima fizičkih lica, čime je prekršio odredbe člana 7. i člana 14. Pravilnika.
- Stranka nije izdala potvrde o prijemu priloga u skladu sa članom 6. stav (1) Pravilnika, čime je prekršila odredbe člana 5. stav (4) Zakona o finansiranju političkih stranaka.

b) Stranka je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.¹

Socijal demokratski front BiH prekršio je odredbe člana 12. stav (3) Zakona o finansiranju političkih stranaka i člana 15.1 stav (1) Izbornog zakona BiH jer je finansijski izvještaj za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2018. godine dostavio nakon zakonom propisanog roka, tj. dana 04.01.2019. godine.

¹ Politička stranka koja je učestvovala na izborima za organe vlasti Bosne i Hercegovine na svim nivoima dužna je Centralnoj izbornoj komisiji BiH podnijeti finansijski izvještaj za period od dana podnošenja prijave za ovjeru za izbore do dana ovjere rezultata izbora. U skladu sa odredbom člana 15.1 stav (1) Izbornog zakona BiH, krajnji rok za dostavu postizbornog izvještaja za Opšte izbore 2018. godine bio je 15.12.2018. godine.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM² po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Socijal demokratski front BiH je u svrhu izborne kampanje mogao da potroši 83.527,40 KM. Socijal demokratski front BiH u godišnjem finansijskom izvještaju za 2018. godinu nije iskazao troškove propagande.³

5.2. PREPORUKE

Preporučuje se Socijal demokratskom frontu BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da izdaje potvrde o primljenim priložima fizičkih lica u skladu sa pravilnikom i*
- *da finansijske izvještaje koje podnosi Centralnoj izbornoj komisiji Bosne i Hercegovine dostavlja u roku i popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

Socijal demokratski front BiH nije se očitovao na nalaze revizije i mišljenje revizora dato u Preliminarnom izvještaju o reviziji godišnjeg finansijskog izvještaja za 2018. godinu.

Šef Odsjeka za revizijske poslove

Sanja Tošović

Revizor

Veliborka Kenjić

Pomoćnik revizora

Anela Burdžović Kapić

šef Službe za reviziju

Mr. sc. Hasida Gušić

² Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

³ U reviziji stranka je dala izjavu o troškovima kampanje u kojoj navodi da zbog nedostatka finansijskih sredstava nije provodila aktivnu izbornu kampanju za potrebe Opštih izbora održanih u oktobru 2018. godine, odnosno nije plaćala štampanje promotivnog materijala ni druge aktivnosti.